



UNIVERSITÄTS-
BIBLIOTHEK
PADERBORN

**Nicolai Lancicii E Societate Iesv Opvscvlorvm Spiritvalivm
Tomvs ...**

Łęczycki, Mikołaj

Antverpiae, 1650

De quibusdam festis B. V. Mariæ piè celebrandis. Cap. XXVIII.

[urn:nbn:de:hbz:466:1-78821](https://nbn-resolving.org/urn:nbn:de:hbz:466:1-78821)

CAPVT VIGESIMVMSEPTIMVM.

Deuotiones quæ possunt fieri per Octauam alicuius Sancti.

16. Primò. Selige vnum tantum peccatum veniale, à quo saltem per octauam illius Sancti, profus abstineas. Hoc autem fit, ne in rebus ad Dei cultum spectantibus, hoc toto tempore preces venialiter, hoc est, in Meditatione, Sacro Examinibus, Coronis, Communione.

Secundò. Per actus positivos, scriptis in die iteratos, saltem tot vicibus, quot vixit annis ille Sanctus, elicias actus probandi mente omnia, quæ vides fieri, dici, omitti ab aliis. Hoc est, omnia excusando, laudando, solâ mente. Hoc enim est valdè necessarium, plus quàm alia omnia. Ex cuius neglectu oriuntur multæ Dei offensæ iudiciorum temerariorum, detractionum mentalium, detractionum verbalium, malarum informationum, & impedimentorum multarum rerum bonarum. Vel, si hoc non placet, elicias toties actus alicuius alterius virtutis in honorem illius Sancti.

Tertiò. Petè à Deo breuiter, & ardentè, toto hoc tempore, vt per merita Christi Iesu, & per merita ac intercessionem illius Sancti, concedat tibi Deus, illam virtutem, quâ ille maximè placuit Deo. Tempora autem id petendi sint hæc. Primò. In colloquio Meditationis. Secundò. In Sacro immediatè post eleuationem, & iterum dum Sacerdos fumit SS. Sanguinem. Tertiò. In fine examinum conscientiæ. Quartò. Dum exis è cubiculo, toties quoties, (oblati priùs Deo singulis pulsibus tuis) primum quod potes, sit hoc. Quintò. Illis binis temporibus, quibus in trichinio expectas, benedictionem mensæ: tunc autem præter Christi merita, & illius Sancti intercessionem & merita, adhibe expressè etiam hoc, vt per merita aliorum sanctorum Dei, tibi Deus id concedat.

Quartò. Loco lectionis spiritualis, lege quotidie aliquid è vita illius Sancti, illam partem vitæ, in qua non tam res ab eo gestæ narrantur, quàm peculiare virtutes illius: oratio, humilitas, patientia, charitas, & alia.

Quintò. Meditationes quotidianas per illos octo dies, institue de præcipuis eius virtutibus vnam vno die, & actus ac excellentiam illius considerando, alias, aliis diebus.

Sextò. Commenda illi Sancto communes & proprias tuas necessitates modo speciali & feruenter, præsertim bonum finem vitæ tuæ, vt feliciter omnibus Sacramentis munitus, & plenus magnis meritis in gratia Dei moriaris. Sanctè S. Gertrudis intellexit diuinitus quod dum aliquis finem vitæ suæ cuiusvis Sanctorum specialibus orationibus, commendat statim orationes illa def-

runtur ante tribunal iudicis, & ille Sanctus cui committuntur, constituitur à Deo Aduocatus super eas vt ex ipsis bona provideat sibi deuotis, tempore oportuno.

Septimò. Age gratias Deo sæpè in die pro beneficiis naturæ, gratiæ, gloriæ & honoris illi Sancto, & per illum aliis collatis. Quod aded placuit Deo, vt S. Gertrudis diuinitus intellexerit: quondocumque aliquis gratias agit Deo pro Sancto aliquo, Dominus demerito Sancti illius, auget gratiam in anima eius, qui pro eo gratias perfoluit.

1.4.c.56. in diu. pie.

CAPVT VIGESIMVM OCTAVVM.

De quibusdam festis Beatissime Virginis Mariae piè celebrandis. Festum Annunciatis Beatae Virginis Mariae sic honorari potest.

Cum S. Gertrudis desideraret inuestigare quid orationis B. Virgo acceptaret, specia-
lius in festo Annuntiationis, edocta est à Do-
mino: quod si quis per octauam quotidie legeret (hoc
est, diceret) 45. Ave Maria cum deuotione in memo-
riam illorum dierum, quibus Dominus Iesus creuit in
vtero suo, ille tam acceptum famulatum sibi exhibe-
ret, sicut si eo die quo Dominum concepit sibi assisset,
& per singulos dies vsque ad partum, diligentissima
sibi obsequia impendisset, & quàm inuitè illi tunc pro
seruitio suo Virgo denegasset, quicquid ab ea deside-
rasset, tam inuitè velleret denegare petitionem suam.

187.

1.4.c.12. in diu. piet.

Cam verd in Vigilia Assumptionis, sub mil-
sa (vultum tuum) dum legeretur Collecta,
Deus qui virginali matulam, B. Gertrudis deu-
otius intenderet verbis illis, scilicet, (vt sua nos
defensione munitis; iucundos faciat eius inter-
esse festiuitati) videbatur delicata mater benignè
expandere pallium suum; quasi ad suscipiendum om-
nes ad se confugientes in speciale patrocinium. Tunc
aduementes SS. Angeli adducebant coram ea omnes
personas quæ se speciali deuotione, vel orationibus ad
idem festum Assumptionis deuote preparauerant, in
specie iuencularum speciosarum, quæ reuerenter se-
dentes ante eam, sicut filia coram Matre, Sancto-
rum Angelorum ministerio vndiq; fulciebantur, & ab
insidiis malignorum spirituuum defendebantur, & ad
quæq; bona promouebantur. Intellexitq; talem prote-
ctionem Angelorum obtentam per amedicta verba
Collecta: scilicet, Vt Sua nos defensione munitis, quæ
ad imperium eius multitudo Angelorum vndique de-
fendendo protegit omnes gloriosam Virginem inuo-
cantes. Post hæc videbantur quasi sub pallium eius ac-
currere quedam diuersi generis bestiole, per quas nota-
bantur omnes peccatores, ad ipsam, specialem deuotio-
nem habentes. Quas omnes mater misericordie be-
nignè suscipiens, & quasi pallio suo protegens, delicata
manu sua singulas contrectando & delinendo, ipsis
amicabiliter blandiebatur: quemadmodum quis blan-
diri solet catulo suo. Per hoc manifestè insinuans, quàm
misericorditer suscipit omnes se inuocantes, & quàm
mater

Ibid. 1.4. c. 49.

maternâ pietate defendit, & protegit etiam adhuc peccatis deditos in se sperantes, donec eos filio suo reconciliet veraciter penitentes.

l. 4. c. 53.
in fin. diu.
piet.

In festo vero Natiuitatis gloriosæ Virginis Mariæ dum S. Gertrudis, tot perfoluisset *Aue Maria*, quot diebus ipsa præclara maris stella creuit in *uero matris* (quod fieri potest, si 33. *Aue Maria*, quotidie recitentur per octo dies) & hæc deuotè offerret eidem, requisit ab ea, quid erga benignitatem ipsius mereretur, qui simili deuotione ad honorem eius, eundem numerum persoluerent cum salutatione Angelica: Cui benignissima Virgo respondit: Hoc inquit merentur, quod æternaliter in cælis, speciali incunditate participabunt mecum felicis omnia gaudia qua recepi, & adhuc sine intermissione renouata recipio pro singulis virtutibus, ad quas Beata & Gloriosa Trinitas animam meam singulis diebus, secundum optimum beneplacitum suum, decenter habitauit.

CAPVT VIGESIMVMNONVM.

De Alphabeto vitæ spiritualis.

288.

Multi vel habentur, vel haberi volunt profectus spiritualibus viris, qui hoc nomen non merentur. Tales sunt, qui putant vitam spiritualementem consistere in multis & longis precibus, in ieiuniis, & aliis asperitatibus carnem affligentibus, in visitationibus templorum, & de extirpatione vitiorum, de mortificatione naturalium passionum, de moderatione affectuum iræ, zeli, amoris, non sunt solliciti, nec illi, æquè ac precibus intentis, & in exercitio virtutum valdè segnes. Benè itaque scripsit B. Laurentius Iustinianus lib. de obedientia c. 6. col. 1. *O quam rari sunt, qui spirituales re & nomine censendi sunt. Vocabulum hoc, denuntiatione sortiuntur multi, effectum verò ipsius, pauci: spirituales viros illos arbitror esse dicendos, qui carnales habentes edomitæ voluptates, carnem spiritui, mentem rationi, deuotioni affectum, intentionemq; animi æterna subseruunt domino Sapientia. Hæc quippe est regula disciplina cælestis: hæc inquam est spiritualis forma virorum in carne, & supra naturam spiritualiter conuersantium, & quotidie proficientium in idipsam.*

Quocirca compendio explicabo, ordine alphabeti, quæ requirantur, vt homo verè sit spiritualis, seu spiritualiter & secundum Dei spiritum non humanum & politicum viuens, ac in omnibus procedens.

Abstinere ab omni peccato, ita ne vnquam deliberatè offendatur Deus, & in deliberatè raro.

Benè facere omnia opera ordinaria, iuxta rectæ rationis, & Regularum, & Superiorum præscriptum.

Censurare nullum, ne quidem interius, & clamosa voce nunquam in colloquio vti.

Desiderare perpetuas cruceas, & authores eorum, tenerè diligere propter Deum.

Eligere in omnibus id, quod est perfectius, & inter æquè perfectæ, id quod magis displicet amori proprio.

Fidelem Deo esse, etiam in paruis, nullam paruam legem vel regulam transgrediendo.

Gratis Deo seruire, omnia faciendo ex amore beneuolentiæ, sine intuitu præmij.

Humiliare se infra omnes homines & demones.

Interpretari benè omnia aliorum dicta & facta, & intentiones.

Laudare omnes aliorum res, quæ non sunt manifesta peccata.

Meliorum conuersationem querere, & conari vt meliores euadant ij, cum quibus conuersaberis.

Nihil accipere vel dare sine facultate; ne quidem indiuisibile (si religiosus es) & nunquã irasci.

Orationes sine vilo peccato Deo offerre, easque ad morum tuorum emendationem dirigere.

Profectui perpetuo in virtutibus attendere.

Querere Deum explicitè in omnibus rebus, dicendo, *propter te Domine*, saltem mente.

Resignare Deo & Superioribus tuum liberum arbitrium, vt nil detrectes, nil eligas, nisi iuxta eorum voluntatem.

Silentio premere mala, quæ pateris, & bona quæ facis, nisi certa necessitas aliud suadeat.

Temporis omnes particulas benè expendere in rebus meritoriis, & tibi conuenientibus.

Viuere in communitate irreprehensibiliter, & sine singularitatibus, alios meritò offendentibus.

Zelare pro Dei honore propagando, & Zelum attemperare, iuxta præscriptum, rectæ rationis & voluntatis Superiorum.

CAPVT TRIGESIMVM.

Modus dicendi breuem Coronam, quando quis habet caput fatigatum, aut meditari non potest, siue in itinere, siue in infirmitate, siue aliquo alio tempore.

Aceptâ in manus coronâ seu Rosario peccatio, & facto signo Sanctæ crucis, percurrere singulos globulos, cum pio mentis affectu & seriore & attentione, dicendo.

Primò. *Gloria Patri & Filio & Spiritui Sancto.*

Secundò. Eodem modo ad singulos globulos Coronæ, percurrendo totam, dicitur: *Laudis tibi Christe.*

Et sic deinceps infra scriptos versiculos, vel alios, ad quos magis afficeris, excerptos, ex Psalmis, vel ex Euangelio, aut aliis Scripturæ libris, vel

189.